

Život izvan rodnog grada

<"xml encoding="UTF-8?">

Život izvan svog rodnog grada

Čovjek može da bude primoran da živi izvan svog rodnog grada. Vaš muž može biti zaposlen u privatnom ili društvenom sektoru i poslan na službu u drugo mjesto ili grad. Neki ljudi žive na ovaj način bilo privremeno ili stalno. Muškarci su prisiljeni da se suoče sa situacijom, ali neke žene više vole da su u blizini roditelja i rođaka. Ovakve žene su naviknute na ulice, pločnike (zidove) i okolinu njihovog rodnog mjesta. Nakon selidbe one krive svoje muževe i prigovaraju im "Zašto bili ja živjela izvan svog doma? Koliko dugo ću biti bez svog doma i roditelja? Nemam nikoga u ovom mjestu. U kakvo si me ovo mjesto doveo? Ne mogu ostati ovdje, zato razmisli o izlazu!" Ove žene ne bi trebalo da uznemiruju svoje muževe na takav način. One su toliko maloumne da misle da je njihovo radno mjesto najbolje mjesto za život. One misle da ne mogu uživati u životu negdje drugo. Čovječanstvo nije zadovoljno čak ni sa sopstvenom planetom, pa je zakoračilo na druge. Ali, samo jedan pogled i naći ćete ženu koja je toliko nepromišljena da nije spremna da živi nekoliko milja dalje od svog rodnog mjesta. Ona razmišlja u sebi: "Zašto bih ja ostavila sve svoje prijatelje i rođake da bih otišla u nepoznato mjesto?" Izgleda da ova žena nema dovoljno samopouzdanja da bi bila u stanju naći nove prijatelje u drugom mjestu udaljenom od njenog doma. Draga hanuma! budite mudra i požrtvovana. Ne budite sebična. Sada, kada vas je posao vašeg supruga udaljio od rodnog grada, ne izazivajte mu nevolje. Ako je državni činovnik, on ima naredbu da putuje na službu, a ako je privatnik i onda mu je povoljnije da živi u drugom mjestu. Ako vas muž obavijesti da mora živjeti u drugom mjestu, onda se morate složiti istog momenta. Trebate mu tada pomoći u pakovanju i preseliti se u novo mjesto gdje morate nastojati da se osjećate kao kod kuće. Isplanirajte svoj život u novom domu i prilagodite se tome. Budući da ste novi u okolini i vjerovatno niste upućeni u karakteristike stanovnika, budite oprezni prema njima. Poslije kratkog vremena, uz pomoć i nadzor vašeg supruga, pokušajte se sprijateljiti s čednim i povjerljivim ženama. Svako mjesto ima svoje sopstvene dobre osobine. Možete se opustiti razgledajući i posjećujući drevne građevine. Morate držati familiju na okupu i ohrabriti supruga u poslu. Nakon kratkog vremena naviknut ćete se na novi dom i možda ga čak više zavoljeti

nego prvi. Možda shvatite da su vaše nove prijateljice bolje nego stare. Ako nam, u novom mjestu, nedostaju pogodnosti iz prethodnog grada, priviknite se na novi život i nađite njegove dobre strane. Ako ne uživate više takve pogodnosti kao što je struja, onda vaša sredina, može da ima bolju klimu te možda budete u mogućnosti da nabavite svježiju i kvalitetniju hranu. Ako uopće nema odgovarajućih puteva, onda nećete udisati toksična izduhna isparenja i bićete udaljeni od vreve ljudi i automobila. Razmislite malo o seljaku i seljanki koji žive sretno u kući od ćerpiča i koji ne mare za raskoš gradskog života i za njihove prelijepe kuće poput zamka. Razmislite o njihovim potrebama i onome za što su uskraćeni. Ako im možete pomoći, ne oklijevajte i podstičite svoga supruga i budite im od pomoći. Ako ste pametni i izvršavate svoje obaveze, onda možete udobno živjeti u novom mjestu. Možete biti od koristi za supru-gov uspjeh. Tako će vas znati kao poštovanu i udatu suprugu. Vaš muž će vas voljeti i steći ćete .popularnost među ljudima. Iznad svega, Allah će biti zadovoljan s vama

One žene čiji muževi rade vani imaju slobodu u kući. Ali neki muževi rade u kući, kao pjesnici, pisci, slikari, ili naučnici koji moraju da čitaju veoma mnogo. Žene ovih muževa imaju manje slobode u kući i stoga je njihov život drugačiji. Gore spomenuta zanimanja zahtijevaju koncentraciju, talenat i intelekt. Stoga, postoji potreba za povučenošću i tišinom. Jedan sat rada u miru isto je kao i nekoliko sati rada u prometnoj i bučnoj sredini. Problem je jasan, neophodno je mirno mjesto za rad, a s druge strane, supruga želi da se slobodno kreće u kući. Ako žena planira poslove u takvoj kući na takav način da njen muž može napredovati u poslu, sigurno je izvršila koristan zadatak. To postići sigurno nije lahko, naročito ako su djeca u blizini. Ali, ipak, problem se mora riješiti zato što se napredak supruga u poslu zasniva na ovome. Ako žena sarađuje sa svojim mužem, ona ga može preobraziti u uglednog čovjeka koji može služiti na čast njoj i društvu. Žena čiji muž radi u kući, ne treba očekivati od njega da čuva djecu, da otvara vrata posjetiocima, da radi u kuhinji, da viče na djecu, nego bi trebalo da zamisli kako muž nije u kući dok radi. Draga hanuma! Kada vaš muž želi otići u svoju radnu sobu, pripremite mu olovku, papir, cigarete, pepeljaru, šibice, knjige i druge stvari koje su mu potrebne. Čim ste pripremili njegove rekvizite, napustite ga. Ne razgovarajte glasno i ne dozvolite djeci da galame. Podučite djecu da se ne igraju bučno dok njihov otac radi. Ne govorite mu o svakodnevnim stvarima. Otvorite vrata i odazovite se na telefon ako zazvoni. Ako neko želi da ga vidi, ili da razgovara s njim, recite mu da je zauzet. Recite svojim prijateljima i rodbini da vas posjete kada vaš muž nije zauzet. Vaši iskreni prijatelji se neće oneraspoložiti zbog vašeg zahtjeva. Dok radite kućne poslove, pobrinite se za njegove potrebe. Ne prekidajte ga. Možda neke žene misle da je ovakav način života nemoguć. One mogu reći: "Da li je moguće za ženu da obavlja teške kućne poslove, a u isto vrijeme da brine za muža i ne

dozvoli da ga išta prekida?" Istina je daje ovakav način života neuobičajen i izgleda težak, ali ako žene razmisle o važnosti posla svojih muževa, one mogu odlučiti da prevaziđu problem dobrim planiranjem, prednošću i mudrošću. Izuzetnost nekih žena postaje očigledna u ovakvim situacijama. Inače, živjeti običan porodični život nije izvanredan zadatak. Draga hanumo! Pisanje knjige, dobrog naučnog članka, ili korisnog eseja, pisanje izvrsne pjesme, stvaranje vrijedne slike ili rješavanje novčanih problema, nisu lahki zadaci. Ali uz vašu predanost i saradnju, oni postaju ostvarljivi. Zar niste spremni da žrtvovanjem vaših želja i neznatnim promjenama u vašem životu, pomognete mužu u poslu? Uz vašu pomoć, on će .postati ugledan, a vi ćete dijeliti s njim njegov ugled u društvu